

Mbouj Hawj Beksingq Mbanjcuengh Saetmuengh

不负壮乡人民的重托

——Geiq Daengx Guek Boubuensaemj Beksingq Maenhndei、Namz-ningz Si Sihyanghdangz Gih Fazyen Boubuensaemj Gauh Cicangh

□ Cau Dwzfeih/赵德飞

Bi 2016 ndwen 11 ngoenz 24 Guengjsae Lauxnienz Bauq 《Vunz》 lanzmoeq daeng bien faenzcieng 《Gij Cwzyin Baihlaeng Mingzdaeuz》，sij le boubuensaemj geq ndeu daj Hwzlunzgyangh daengz Guengjsae, youq Hwzlunzgyangh guh hong buensaemj, daengz Guengjsae hix guh hong buensaemj, youq guh hong buensaemj seiz saedyienh gyaciz bonjfaenh, saedyienh gij hanbak “ndiepgyaez genjleh、cuengq naengz-liengh ndei”, doengzseiz hix guhcingq le cidu boubuensaemj beksingq baenzdaug gajgwz, daj hainduj cienzbouh camgya caeuq saemjleix daengz seizneix cij aeu camgya saemj saedsaeh daeng baenzdaug bienqvaq, daejniemh le dawzfap cidu youq beksingq buensaemj guhhong fuengmienh mboujduenh laebcaez caeuq gij ndeicawq dawzfap minzcuj daiq daeuj haenx. De mboujdan ndiepgyaez hong buensaemj, lij vih gizdieg minzcuz hwngfat ok geiqmaez dem, de guh cungj gyaez cungj, ndaejdaengz gwnzbiengz haenhndei. De couhwdg Gauh Cicangh boux vunz Cungguek Fazyozvei veiyen、Guengjsae Minzfaz Yenzgiuvei lijsw、Guengjsae Namz-ningz Laujgoh Hezvei veiyen、Sihyanghdangz Gih Laujgoh Hezvei veiyen、Sihyanghdangz Gih Fazyen boubuensaemj beksingq, nyuenz Hwzlunzgyangh Swngj Yihcunh Si Vujyingz Gih Fazyen boubuensaemj beksingq, ndaej gvaq aen cwnghueh “daengx guek boubuensaemj beksingq maenhndei”.

Genjdingh——Aen Moegloih Fap Hwnjdoek Yienh Cingz Beksingq

Youq Namzningz, Gauh Cicangh youh hainduj guh hong buensaemj, Yungh faplwd henhoj gij leih'ik gunghminz gizdieg minzcuz, caenndang hengzguh gij hanbak dawzfap vih beksingq. Genjdingh caeuq ginggvaq hawj Gauh Cicangh youq Mbanjcuengh engq roxyinh gij gyaciz caeuq dangguh boubuensaemj beksingq, de caeuq fazgvanh caezsim roengzrengz, henhoj aen caenghdienbingz ndaw fwngz, buensaemj seiz yungzhaeuj ndaw fungsug ndawbiengz bae, hawj boudangsah ciuq fap souj fap, yungh vah faplwd hoizwngq gij gangjgouz vunz lai goengbingz cingqheiq haenx, caeuq fazgvanh doengzcaeuz yenzgiu gajgez anqgienth loihhingz moq、vwndiz moq, anqgienth hojnanz labcab, youq gyang hozyidingz saemjleix anqgienth daengj. Gauh Cicangh daengz Namzningz dang boubuensaemj daengz seizneix camgya saemjleix 150 lai gienh anqgienth, de nyinhcaen hengz gij cizcwz boubuensaemj beksingq, doengzseiz youh dang ndei “boux-

senhconz” “bouxbufaz” “boux-diuyenz”, gawq aeu yiengq vunz lai henzyawj senhconz faplwd cihsiz, gunghawj camcaz faplwd, daezsang gij faplwd yisiz vunz lai, doengzseiz youh senhconz hong fazyen diemjrongh moq. Bi 2016 nienzco daengz seizneix, 《Sihyanghdangz Gih Fazyen Yawjnaek Boubuensaemj Hagsib Dohyenz Doicaenh》caeuq 《Gij Cwzyin Seizdaih Hawj Boubuensaemj Beksingq Haenx》youq Guengjsae Gauhyen guenfueng diuzdaeuz daeng, Guengjsae Gauhgiz Fazyen Neivangj caeuq Namzningz Cunghgiz Yinzminz Fazyen Vangj lienzdaemh daeng 《Namzningz Si Sihyanghdangz Gih Fazyen Buensaemj + Diuyenz Yaugoj Ndei》，doenghgi faenzcieng neix geiq le de caeuq fazgvanh doengzcaeuz nem boudangsah daplaeb aen bingzdaiz gajgez cengnauh, yungh lai cungj banhfap diuzgaj cengnauh, bang boudangsah gajgez ndei cengnauh, Namzningz Yinzda Vangj cienj daeng 《Boudangsah Caeuq Beksingq Aeu Yungh Couhwdg Gyaepgouz》bauqlwnh doenghgi cingzgvang neix.

Cauxmoq——Roengzrengz Vih Hong Minzcuz Ok Geiqmaez

Seizgan riengjvaiq, youq Mbanjcuengh 3 bi lai seizgan yaepyet couh gvaqbae. Gauh Cicangh lij baujmaenh aen sim guhhong youq mbanjranz baenzneix ok geiqmaez, youq gizdieg minzcuz lij roengzrengz guhhong. De lai siengjingeix, baezngaengz camgya buensaemj gvaqlaeng, nyinhcaen yenzgiu, seizseiz yungh gij swheiz caeuq vah vunz lai, yungh dawzfap minzcuj sij faenzcieng, gonqlaeng sij 《Ngeixnaemj Gizdieg Minzcuz Haiguh Son'gyauq Boubuensaemj Beksingq Song Vah Saw》《Siengjingeix Gizdieg Minzcuz Hwnjlaeb Gajndeij Cwngfuj Faplwd Guvwn Cidu》daengj, ndawde 《Ngeixnaemj Gizdieg Minzcuz Haiguh Son'gyauq Boubuensaemj Beksingq Song Vah Saw》daeng youq 《Fazci Caeuq Ginhci》doeklaeng, Hozciz Si Cunghgiz Yinzminz Fazyen Vangj 《Fazgvanh Lundanz》daiqdaeuz cienj daeng daengx bien, riengzlaeng Cungguek Minzcuz Cunghgyau Vangj、Guengjsae Minzyijvej Vangj、Guengjsae Minzcuz Bau Vangj daengj 30 lai aen vangjan lienzdaemh cienj daeng, ndaejdaengz gwnzbiengz caeuq lauxhangz nyinhdoengz. 《Siengjingeix Gizdieg Minzcuz Hwnjlaeb Gajndeij Cwngfuj Faplwd Guvwn Cidu》ndaej daihcibcaet geiz Guengjsae hwngfat lundanz lunvwnz maenhndei ngeihdaengjciegj, daeng youq 《Fazci Caeuq Ginhci》bi 2015 geiz 12 doeklaeng, Guengjsae Bujfaz Vangj、Namzningz Fazyoz Vangj、Bingzan Sihyanghdangz Vangj daengj vangjan



▲Gauh Cicangh youq gwnz fazdingz buensaemj.

lienzdaemh cienj daeng daengx bien faenzcieng.

Gingqnieb——Hawj Faplwd Liz Beksingq Engq Gyawj Di

Seizseiz yungh gij faplwd cihsiz hag ndaej haenx bae segih senhconz faplwd mbouj aeu cienz, yungh anq gangj fap. Gonqlaeng 10 lai baez riengz Laujgoh Hezvei camgya “faplwd haeuj yanghcin segih” daengj sam roengz mbanj hozdung, daengz Lohcunghyauz segih haiguh faplwd cihsiz gyangjco, aeu faplwd fapgi cienzndenq daengz gizdieg minzcuz bae, yungh vah faplwd caeuq fazgvanh doengzcaeuz bae haiguh “yangzgvangh hengzfap” senhconz hozdung, daengz seizneix vih vunz lai gejdap mizgven faplwd vwndiz 80 lai vunzbaez. Youq gajgez cengnauh ngaekngeu seiz, daj gyaeuj daengz riengz cungj yungh simndat caeuq dungxcaiz hawj boudangsah miz cengnauh ngaekngeu ndaej rimhoz. Bae daengz Dandzoz Cin、Sanghding Cin、Cunghliengz Cunh caeuq Gvangjsih Minzcuz Dayoz daengj doxgyau hagsib, camgya feihyiz gyangjcoz hagsib, yawjgonz gij hozdung minzcuz hagseng Canguz banh haenx, yungh yawjap moq, bae vatcimh vwnzva minzcuz ndawbiengz, gag cawjdoengh henhoj cingsaenz minzcuz, ciq rengz yungh rengz hawj ginhci、vwnzva、gwnzbiengz gizdieg siujsoq minzcuz ndaej hwngfat cinbu.

Doxgyau——Hoizwngq Gij Gangjgouz Vunz lai Goengbingz Cingqheiq

Doxgyau caeuq fazgvanh doxrox, ndaej muzlien ciuhvunz, youh ndaej lienh sij faenzcieng. Camgya fazyoz doxgyau caeuq diuyenz, youq guhhong saedsaeh caeuq doxgyau seiz gyagiengz gajndeij caeuq hwngfat buensaemj cidu, Gauh Cicangh sij 《Gyavaiq Hwngfat Caeuq Gajndeij Dawzfap Buensaemj Cidu》daeng

youq 《Yinzminz Fazyen Bau》doeklaeng, ndaejdaengz lauxhangz haenhndei, ginggvaq lauxhangz bingzsaemj lienzdaemh ndaej Hwzlunzgyangh Swngj cibsam gaiq sevei gohyoz gohyenz cingzgoj maenhndei samdaengjciegj nem Yinhcunh Si daihbet gaiq sevei gohyoz cingzgoj maenhndei itdaengjciegj. Gauh Cicangh yungh anqlaeh saedsaeh lai baez bae daengz segih nyinhcaen hengz gij cizcwz boubuensaemj beksingq, seizseiz yungh gij fungsug sibgveng Mbanjcuengh bae segih haiguh faplwd cihsiz gyangjco, bang cizgungh hojnanz mbouj aeu cienz, fugsah giyez, vih segih hwngfat ok geiqmaez, caencingq laeb gij cinghciej vih beksingq banh anq, vih beksingq fugsah, baenz boudangsah yinzminz fazyen goengcingq dawzfap, youh dwg boudangsah doh fap cienz fap, engq dwg boudangsah yinzminz fazyen goengcingq dawzfap.

Najdoi doxgyau caeuq hagsib, Gauh Cicangh lij caengz lumz aen simmuengh de gvaq, cungj miz aen sim ciengxlwenx hagsib ndeu, youq buensaemj saedhengz seizseiz yungh fungsug sibgveng minzcuz, hawj bonjfaenh mboujduenh doegsaw hagsib, daengzseiz de gaeng ndaej 67 bi lo, hoeng de cij mbouj hawj beksingq Mbanjcuengh saetmuengh, youq saedhengz saedceij seiz roxyinh hong buensaemj caeuq 12 aen minzcuz cojyouq Guengjsae angqyangz doxgyau, youq aen mbanjranz daihngaih neix caeuq gyoengq fazgvanh caeuq boubuensaemj Sihyanghdangz Gih youq ndaw hozyidingz saedyienh gyaciz bonjfaenh, doxgyau hagsib giengzvaq suciz bonjfaenh, hoizbauq gij cingz naekgywdgywd gwnzbiengz caeuq beksingq Mbanjcuengh doiq de haenx, caencingq baenz boux “vunz Mbanjcuengh” bingzciegj he.